

ephoid, mar a dh'aithn an Tighearna do Mhaois.

22 Agus rinn e falluing na h-ephoid a dh'obair fhighte; uile do ghorm.

23 Agus bha toll 'am meadhon na falluinge, mar tholl lùiriche-màillich, agus foir^a timchioll a tuill, a chum nach reubtadh i.

24 Agus rinn iad air iomall na falluinge pomgranata do ghorm, agus do chorcur, agus do scarlaid, agus do anart toinnte.

25 Agus rinn iad cluig a dh'òr fìor-ghlan, agus chuir iad na cluig eadar na pomgranatan, air iomall na falluinge m'an cuairt eadar na pomgranata:

26 Clag agus pomgranat, clag agus pomgranat air iomall na falluinge m'an cuairt, a fhrithealadh innte, mar a dh'aithn an Tighearna do Mhaois.

27 Agus rinn iad còtaichean a dh'anart grinn, a dh'obair fhighte, air son Aaroin agus a chuid mac,

28 Agus crùn-sagairt a dh'anart grinn, agus bonaidean sgiabhach a dh'anart grinn, agus briogais anart a dh'anart grinn toinnte,

29 Agus crios do anart grinn toinnte, agus do ghorm, agus do chorcur, agus do scarlaid, a dh'obair shnàthaide, mar a dh'aithn an Tighearna do Mhaois.

30 Agus rinn iad leachd^b a' chrùn naomha dh'òr fìor-ghlan, agus sgrìobh iad oirre sgrìobhadh, *cosmhuil re gearradh seuldadh*, NAOMHACHD DO'N TIGHEARNA.

31 Agus cheangail iad ria iall do ghorm g'a daingneachadh air

a'chrùn gu h-ard, mar a dh'aithn an Tighearna do Mhaois.

32 Mar fo chrìochnaiceadh uil' obair pàilliuin bùtha a' choi'-thionail^c, agus rinn clann Ifraeil a réir gach *ni* a dh'aithn an Tighearna do Mhaois; mar sin rinn iad.

33 Agus thug iad am pàilliuin gu Maois, am bùth, agus airneis uile, a chromagan, a bhuird, a chroinn, agus a phuist, agus a bhuinn.

34 Agus an còmhach do chroicnibh reitheachan air an dath' dearg, agus an còmhach do chroicnibh bhroc, agus brat a' chòmhaich,

35 Airc na fianuis, agus a bataichean, agus cathair-na-tròcair,

36 Am bord agus a shoitichean uile, agus an t-aran tai-sbeanta,

37 An coinnleir fìor-ghlan agus a lòchrain, eadhon a lòchrain gu bhi air an cur ann an ordugh, agus a shoitichean uile, agus an oladh a chum foluis,

38 Agus an altair òir, agus an oladh-ungaidh, agus an tùis chùbhraidh, agus am brat air son doruis a' phàilliuin,

39 An altair umha, agus a cliath umha, a bataichean, agus a soitichean uile, an soitheach-ionnlaid agus a chas,

40 Cùirteinean na cùirte, a puist, agus a buinn, agus am brat^d air son geataidh na cùirte, a cuird, agus a pinneachan^e, agus uile shoitiche feirbhis a' phàilliuin, air son bùtha a' choi'-thionail,

41 Eididh an fhrithealaidh^f

^a iomall, bann.
^b fleasg, blàth.

^c uil' obair pàilliuin, eadhon bùtha a'

^d croch-bhrat.

^e tairngean.

^f Truscan na feirbhis.